



GOLDEN TOURS

Tuzla

www.goldentours.ba

GOLDEN TOURS TUZLA
tel. 035 249 220/222, 035 258 313, fax. 035 249 223
e-mail: goldentuzla@yahoo.com, goldentuzla@gmail.com;

SPECIJALNA PONUDA ZA 1 MAJ!

TORINO – ŽENEVA – MILANO

7 dana/BUS

29.04-05.05.2019.

Torino - veliki industrijski centar regije i cijele sjeverne Italije. Najpoznatiji je po automobilskim tvornicama, kao što su Fiat, Lancia, Alfa Romeo te Ferrari. Torino je osnovan još prije 2300 godina od galskog plemena Taurini. Ime Torino se preko "Taurini" povezuje s latinskom riječi taurus, u značenju 'bik', a bik je još dan danas simbol ovoga grada. Još jedan simbol ovog prelijepog grada jest i „Stara Dama“ – fudbalski klub Juventus, najtrofejniji i najpoznatiji Italijanski klub, čiji novi stadion, Juventus arenu, također možete posjetiti na ovom putovanju!

Švicarska – prelijepa alpska zemlja, nastala prije osam vjekova slobodnom voljom svojih građana. Uživa reputaciju jedne od najstabilnijih i najbogatijih zemalja svijeta. Švajcarci, nekada odvažni i veoma cijenjeni vojnici – plaćenici u mnogobrojnim feudalnim vojskama – poslednji put su ratovali prije više od 160 godina. Od tada su iskazali i svoje druge odlike, i nadaleko se pročuli kao vrhunske zanatlije, sposobni graditelji, vješti trgovci i pouzdani bankari. Oko sedam miliona inostranih turista dolazi svake godine u Švajcarsku, privučeni, prije svega, izuzetnim ljepotama njenih alpskih predjela, besprekorno uređenim turističkim centrima i očaravajućim gradovima.

Milano – drugi najveći grad Italije i prijestonica Lombardije, najveći industrijski centar Italije, privredno srce Italije, ali i jedan od najpoznatijih centara mode u svijetu, grad koji svojim brojnim modnim revijama utiče na stil cijele Evrope. Ovaj fantastični grad je sačuvao svoju srednjovjekovnu dušu sa svojim svjetski poznatim građevinama – opera „Skala“ i gotska katedrala „Duomo“. Uz veliko arhitektonsko i umjetničko nasljeđe za uživanje u srcu grada, dosta vremena potrošićete i na dobar shopping u kojem Vas čekaju modne marke poput Prade, Armanija i ostalih.

PROGRAM PUTOVANJA

1. DAN, 29.04.2019. (PONEDJELJAK), SARAJEVO – ZAGREB – LJUBLJANA – TORINO

Polazak sa autobuske stanice Sarajevo u 19.00h. Vožnja luksuznim Centrotransovim autobusom na relaciji Sarajevo – Zagreb – Ljubljana – Torino. Noćna vožnja prema Italiji sa usputnim pauzama po potrebi grupe.

2. DAN, 30.04.2019. (UTORAK), TORINO

Vožnja preko provincija Friuli-Venezia-Giulija, Veneto i Lombardije, sa dolaskom u glavni grad regije Pijemont – Torino. Smještaj u hotel. Slobodno vrijeme za odmor. U poslijepodnevnom časovima očekuje vas fakultativni obilazak historijskog centra grada uz razgledanje: piazza Castello – srednjovekovno srce grada, „kraljevski salon Savoje“, palazzo Madama izgrađena na mjestu nekadašnje rimske kapije Pretoria, Duomo - veličanstvena katedrala u kojoj se čuva Isusov pokrov „Sacra Sindone“, Kraljevska palata – nekadašnja rezidencija dinastije Savoja, Mole Antoneliana – fantastična kupola visoka 165m sa panoramskom terasom na 85m visine, sa koje se pruža nestvaran pogled na grad, piazza San Carlo – po mnogima najljepši gradski trg sa crkvama „bliznakinjama“. Slobodno vrijeme za individualne aktivnosti. Noćenje.

3. DAN, 01.05.2019. (SRIJEDA), TORINO – LA VENARIA REALE – TORINO

Doručak. Slobodan dan za individualne aktivnosti u Torinu ili fakultativna posjeta kraljevskom kompleksu REGGIA u LA VENARIA REALE, predgrađu Torina. Ova posjeta će ostaviti svakoga bez daha pred bogatstvom i ljepotom koja je stvarana za ugodaj kraljeva dinastije Savoja. Čitav kompleks je izgrađen u vidu naselja koje predstavlja ulazni dio u kraljevsku palatu. Unutar ovog kompleksa nalazi se dvorište časti, dvorska kapela, Stari zamak, Sat toranj. U kraljevskoj palati nalaze se raskošne odaje i galerijska postavka sa vrijednim umjetničkim djelima. Naravno, kao i svaka kraljevska rezidencija, i ova posjeduje zaista fantastične vrtove oplemenjene fontanama i brojnim skulpturama. Slobodno vrijeme za individualna razgledanja. Nakon posjete kraljevskoj rezidenciji Savoje, povratak do centra Torina. Slobodno vrijeme u centru grada. Preporučujemo posjetu BORGO MEDIOVALE kompleksu, koji je izgrađen povodom održavanja Zimskih Olimpijskih igara u Torinu i reprezentuje srednjovjekovno selo sa tipičnom arhitekturom. U slobodno vrijeme posjetite i novi stadion fudbalskog kluba "Juventus" – najslavnijeg i najtrofejnijeg fudbalskog kluba u Italiji. Noćenje.



4. DAN, 02.05.2019. (ČETVRTAK), TORINO – ŽENEVA

Nakon doručka napuštanje hotela u Torinu i polazak prema Ženevi. Na putu ka Ženevi, prolazimo kroz tunel Mont Blan, jedan od najatraktivnijih tunela na svijetu, koji prolazi kroz srce Alpa. Uživaćete u prekrasnim živopisnim predjelima poput čuvenog skijališta Chamonix gdje su bile održane prve zimske Olimpijske igre 1924 godine. Dolazak u Ženevu. Smještaj u hotel. Organizovani obilazak grada: „Jezerska promenade“ – šetalište kraj prelijepog Ženevskog jezera, Engleski park sa spomenikom naciji „Helvecija“, trg Promenade Bastiona, Gradska kuća, Katedrala Sv. Petra. Slobodno vrijeme za šetnju, individualne aktivnosti i uživanje u mondenskoj Ženevi. Povratak u hotel. Noćenje.

5. DAN, 03.05.2019. (PETAK), ŽENEVA – BERN – LUZERN – MILANO

Doručak. Napuštanje hotela. Polazak za Bern – glavni grad ove prelijepe zemlje, a ujedno i sjedište najznačajnijih državnih institucija. Po dolasku slijedi obilazak grada: Vrt ruža, Berengraben, sjedište „medvjeda“, koji je zaštitni znak grada, monumentalna zgrada Parlamenta, katedrala, kuća Alberta Ajnštajna, gradski simbol - kule sa čuvenim satnim mehanizmom iz XVI stoljeća. Slobodno vrijeme u gradu. Nakon obilaska Berna slijedi vožnja do Luzerna. Ovaj grad spada u jedan od najlijepših gradova Švicarske, smještenog na jezeru Vierwaldstättersee ili u prevodu jezero Lucerne koje je četvrto po veličini u zemlji. Posjetićemo istorijski centar ovog grada koji krase

jedan od najljepših svjetskih mostova, most Kapellbrücke preko rijeke Reuss. Nakon obilaska u pratnji vodiča, slijedi slobodno vrijeme za individualne aktivnosti. Sastanak u dogovoreno vrijeme i polazak ka Milanu. Dolazak u Milano u večernjim satima i smještaj u hotel. Noćenje.

6. DAN, 04.05.2019. (SUBOTA), MILANO

Nakon doručka napuštanje hotela i fakultativni obilazak Milana u pratnji vodiča: Castello Sforzesco, porta Garibaldi, porta Nuova, porta Venezia, giardini Pubblici, via Dante, Teatro alla Scala, galeria Vittorio Emanuele II, Duomo, piazza del Duomo. Slobodno vrijeme za šetnju ili obilazak fudbalskog stadiona Đuzepe Meaca (San Siro). U poslijepodnevnom satima polazak prema BiH sa usputnim pauzama po potrebi grupe.

7. DAN, 05.05.2019. (NEDJELJA), SARAJEVO

Dolazak na odredište u jutarnjim/podnevnim satima.

CIJENA: 499,00 KM (first minute ponuda za uplate do 23.03.)*

*Cijena nakon 23.03.2019. iznosi **549,00 KM**

U cijenu je uključeno:

- Prijevoz modernim Centrotransovim autobusom na relaciji Sarajevo-Torino-Ženeva-Milano-Sarajevo,
- 2 noćenja sa doručkom u dvokrevetnoj sobi u hotelu 3 * **Hotel Continental** u Torinu (ili sličnom),
- 1 noćenje sa doručkom u dvokrevetnoj sobi u hotelu 2 * **Hotel Ibis Geneve Petit Lancy** u Ženevi (ili sličnom),
- 1 noćenje sa doručkom u dvokrevetnoj sobi u hotelu 3 * **Hotel B&B Milano Sesto** u Milanu (ili sličnom),
- Ulazne takse u gradove u Italiji i Švicarskoj,
- Obilazak Berna i Luzerna,
- Usluge stručnog vodiča tokom putovanja i boravka u Italiji i Švicarskoj i kompletna organizacija putovanja.

U cijenu nije uključeno:

- Fakultativni izleti,
- Metroo karte, ulaznice u muzeje, individualni troškovi,
- PZ osiguranje 14,00 KM
- Doplata za dodatno sjedište u autobusu 150,00 KM,
- Doplata za svako posebno traženo sjedište u autobusu 50,00 KM/sjedište,
- Boravišna taksa koja se plaća na recepcijama hotela (2,00 – 5,00 EUR po osobi po noći).
- Doplata za jednokrevetnu sobu 240,00 KM.

Popusti: Dijete do 12 godina u pratnji dvoje odraslih 100,00 KM.

O HOTELU U TORINU: Hotel Continental u Torinu je smješten u poslovnoj zoni grada Torina. Posjeduje 56 opremljenih soba sa klimom, TV-om sa satelitskim programima i Wi-Fi signalom. Odličan je izbor za one koje zanima umjetnost, istraživanje grada i spomenici.

Restoran hotela servira raznovrstan buffet doručak sa slatko-slanom ponudom.

Booking.com ocjena hotela 8,5.



O HOTELU U ŽENEVI: Hotel Ibis Geneve Petit Lancy udaljen je 10 minuta vožnje od centra grada i aerodroma. Hotel nudi zvučno izolirane, klimatizirane sobe i besplatni bežični pristup internetu u cijelom hotelu. Hotelski bar nudi osvježenje 24h dnevno i mogućnost da se odmorite i osvježite nakon poslovnog dana ili razgledanja grada. Možete parkirati svoj automobil u hotelu Ibis Petit Lancy i uživati u besplatnom korištenju javnog prijevoza u Ženevi za vrijeme vašeg boravka. Iako hotel 2* lako se može mjeriti sa hotelima 3* pa i više!

Booking.com ocjena hotela 8,2.



O HOTELU U MILANU: Hotel B&B Milano Sesto Marelli nalazi se u mjestu Sesto San Giovanni, na 400 metara od postaje podzemne željeznice Sesto Marelli, koja uključuje linije do centra Milana. U sklopu objekta gostima su na raspolaganju moderne sobe i besplatni Wi-Fi.

Sve su sobe klimatizirane i imaju parketne podove izrađene od ekoloških materijala, TV ravnog ekrana s programima Sky i sef. Vlastite kupaonice uključuju tuš i fen za kosu. Gosti mogu besplatno koristiti 2 tablet računala s pristupom internetu u zajedničkoj prostoriji, a recepcija je otvorena 24 sata dnevno. Booking.com ocjena hotela 8,1

Putnici na ovom putovanju obavezni su imati biometrijski pasoš sa datumom važenja minimum 3 mjeseca od planiranog dana povratka sa putovanja.

Kalkulacija je rađena na bazi minimum 45 putnika. Sa uplatom akontacije putnik prihvata Opće uslove putovanja.

Agencija zadržava pravo promjene rasporeda fakultativnih posjeta usljed nepredviđenih okolnosti.

Molimo Vas da se prije zaključenja ugovora o putovanju upoznate sa programom putovanja i Opštim uslovima putovanja agencije Centrotours.